

四明叢書

張宗祥

梓材謹案儒林宗派以先生爲唐來復弟子字賡敬又案湖南通志選舉先生登第在嘉定元年戊辰前于其師七年

樂氏講友

唐先生麟

唐麟零陵人與唐容樂韶共學人稱三傑

楚紀

唐先生容

唐容零陵人博學強記舉進士爲豐城令尋知邕州交趾入寇率兵討平之歸隱建昌之麻姑山自號雲壑老人

楚紀

東萊再傳

樓先生口

樓口浦江人樓楨四世祖也嘗受業東萊呂氏之門人

戴九
靈集

蘭坡家學

應先生復

見下鄭氏門人

準齋門人

陳先生昉

陳昉永嘉人親炙準齋不倦得所著述輒錄之刻爲一

編臨川羅愚復刊于廣右漕臺所傳益廣云

徐模埜集

鄭氏門人

忠宣史滄洲先生彌堅

許見慈湖學案

數文史先生寶之

別見邱劉諸儒學案補遺

修武應先生復

應復字宏道昌國人蘭坡子從安晚鄭先生游見義必
爲鄉論推許壯遊江淮趙信庵一見奇之俾與籌幕裨
贊維多制府上功將命以文學不果就右階官至修武

耶

昌國州志

知州鄭先生侶 附兄慶長

鄭侶字德言莆田人初受學于兄慶長出語同學兒退
三舍入試諸老生避一頭始以潛甫名取閩廣漕薦後
易今名貢于浙遂擢端平乙未第歷慶元府昌國監毫
右口酒辟沿海制置司犒賞酒庫陳公塏趙公以夫皆
羅致闔幕改秩知古田縣未上趙公建沿江制闔辟主
管機宜文字治法征謀悉諮而行軍府稱治歷知瑞州
朔望詣州學書院必進諸生講說未第時鄭安晚一見
器重遂客光範及官甬東安晚方幅巾歸第門下客皆

散去惟先生過從益密論文聯句宮動角應安晚每日
從我于寂寞者惟德言一人劉後村與先生居同村先
生築室池園自號村邊

劉後村集

舍人林竹溪先生希逸

詳見艾軒學案

應氏家學

應全軒先生翔孫

應翔孫字子翱四明人參政從子早中童子科王伯厚
尙書戴帥初博士俱以其所著經傳蒙求爲然蒙求自
易至論孟皆括爲韻語以訓後進傍及諸子百家而揚

雄方州部家之書亦與焉 方桐江集

梓材謹案馮復京記葺芷參政翁州書院云行省幾去其闕先生之猶子全軒翔孫義形于色曰不可使家世詩書之業自我而墜乃報已分田隸書院公其出納以贍師生告諸提學司轉聞省人議贈之遂得不廢是全軒爲先生之號實參政從了謝山翁洲書院記以全軒爲參政之孫亦誤矣

附錄

戴剡源序類書蒙求曰聞昌國官學士大夫應氏實爲祖至參政公遂大其閭閻而應君問學氣行白首不衰方就家塾請合祀先賢天之欲昌其文以淑其徒者意未已也

趙氏家學

趙漢弼孟何

趙孟何字漢弼守鄉郡與戴剡源爲同年生其先人清敏公嘗以春秋經傳集解奏之經筵刻之琬琰者若干言經火燬滅漢弼追憶而補存之摘其出于先公之著者定爲若干言又評攷二百四十二年行事合于詩書六典名曰春秋法度之編者若干言而剡源序之源戴剡

梓材謹案漢弼以鄉郡與謝昌元降元雖爲春秋之學其人不足取也

趙先生孟僖

別見深寧學案補遺

于氏家學

于先生衢

于衢紫巖子紫巖示以詩曰我學三十年巧不能勝拙
汝年今弱冠慎勿虛歲月何必千里師而後可受業何
必萬卷書而後稱博洽讀書貴有用豈必資筆舌立身
一弗謹萬事皆瓦裂蔬肉同一飽自可甘薇蕨布帛同
一煖何必輕裋褐貧賤士之常紛華安足悅晴窗明几
硯夜燈耿風雪汝今其勉旃經史須涉獵顧我何足學

當學古賢哲

紫巖集

于氏門人

郎中吳先生師道

詳見北山四先生學案

汪氏續傳

孝子汪先生口

汪孝子西山之孫也何北山爲作西山孝子吟曰幾年見說西山汪信義當時表閭里只今家雖四壁空却有賢孫祖風似力田養親孝行高千載董茅同一軌子然隻影無妻兒手自耕耘供滌澹乃翁喪明三十年膝下承顏不離跬三時但務親耕鋤一日何曾入城市朝朝

敬問衣煥寒旦旦謹察食豐菲一畦早韭祭春盤五母
黃雞薦秋黍盡心自足爲親歡豈必三牲八珍侈謹身
百不貽親憂父子熙熙和氣裏翁目雖瞽翁心怡八十
龐眉反兒齒邇來鉗粟頗不慳積善固宜天相只鄉閭
詠歎同一聲養志如君能有幾人言詩書君未學我謂
如君真學矣孝弟是乃百行先爲仁每必從此始世人
有親不能養浪著儒冠誠可恥何如汪君貧簞中卓然
全此秉彝理

濂洛風雅

葉氏續傳

補
州同葉先生審言

梓材謹案金華府志載先生由家傳之端緒泝儒
先之源委卓然自立許益之柳道傳張子長黃晉
卿咸樂與爲友又稱其所爲詩文和易平實無纖
麗之態云

雲濠謹案先生名謹翁審言字也所居齋室扁曰
四勿自號贅翁歸自泉南又自號曲全道人著有
四勿齋稿曲全集見
黃文獻所作墓誌

李氏續傳

李先生光遠

李光遠尙書大同曾孫也宋亡不仕後以子裕貴贈承

事郎 宋文憲集

推官李先生裕

詳見北山四先生學案

胡氏續傳

編修胡古愚先生助

胡助字履信一字古愚東陽人曾祖居仁從呂成公學先生刻志問學悉究經史百氏大旨舉茂才授建康路儒學錄吳澄見其詩文大加稱賞用薦改翰林國史院編修官先生狀貌清古平生誠實無偽見人有善亟稱之嘗作大拙小拙傳以寓意所著有純白類稿三十卷

金華府志

雲濠謹案先生序吳淵穎集
自署承事郎太常博士致仕

古愚文集

余欲學顏子之愚則亞聖功夫非造次可到欲學武子
之愚則今非可愚之時也若柳子之愚固有所激而不
可學者若晁錯之愚又不善用以及于禍則余豈願學
哉乃所願庶幾古之愚黯之戇耳余生三十有三年矣
惟尙友于古人不求合于當世益求問學以充此愚益
抱耿介以守此愚務乎內不務乎外取其實不取其名
雖未敢如古之愚然亦庶乎非今之愚也

古愚齋記

附錄

兼太學齋訓導凡御史臺郎子弟皆從授業監察御史
周景遠薦江浙博學通經宜居館職者七人胡長孺爲
首而先生與焉

宦遊京國數十年盡交天下名士若楊維禎宋濂諸人
皆藉吹噓于先生者一時推重如此

胡先生瑜

胡瑜字季城東陽人太常之子也以太常遺蔭爲管庫
官擢杭州路總管府照磨後爲主簿于廣西戴九靈爲

序婺之文獻以送之曰異時吾婺文獻視他郡爲獨盛
自今觀之以忠節行誼顯者則有忠簡宗氏節愍梅氏
默成潘氏毅齋徐氏以道學著者則有東萊大愚二呂
氏北山何氏魯齋王氏仁山金氏以文章家名者則有
香溪范氏所性時氏香山喻氏而龍川陳氏說齋唐氏
則又以事功之學而致力焉是數氏者皆相望百載之
內相去百里之間彬彬乎郁郁乎其鸞鳳之岐陽驂騮
之冀北歟內附以來故家喬木日就凋落而百年耆舊
無存者久之白雲許氏稍以金氏之學鳴于時而石塘

胡氏伯仲亦以雄文俊行與許氏相後先二氏之後由文學入通朝籍者是爲待制柳氏學士黃氏禮部吳氏修撰張氏太常胡氏御史王氏此蓋其卓卓者也余生也後雖不及執弟子禮于許氏胡氏之門然自柳氏而下皆得而師友之十數年來復將于此有所考問而故老遺書多不存矣不亦悲夫

戴九靈集

梓材謹案先生山陽朔主簿調賀州通判見馬國章送先生序著有甌山存稿見元詩鈔

謹翁門人

劉先生潛